

آخر بنات الأرض إشراقًا

محمد حسين

أخر بنات الأرض إشراقاً

محمد حسين

The Writer Operation

شارك سطورك مع العالم

لهداء إلى

أبويا وأمِّي وإخواني الغاليين..
شلة ولاد إسماعيل والخرابة المبهجين..
روح عمي الطاهرة اللي مابتسبنيش..
قلوب بنحبها حتى لو بعيد
تضحية أصحابي في الجامعة في اتفاق
إلى أحبتي جميعًا...

آخر بنات الأرض إشراقًا

أنا من يومين قَطَّعتِ صوركِ ليه؟!!!

هل فيه حاجات ضدنا؟

ولا القلوب ملَّتْ؟..

الحلوة ما اتخلَّتْ

الحلوة شبعت قسا

تالت ميعاد بالذات كل اللي بيننا اتسى..

فاللوم عليكِ إزاي

وانتِ اللي بتجمِّعي؟..

أنا جاي أقول اسمعي

فأرجوكِ ماتسيينيش..

أنا آه غلطت كتير

وحلفت ١٠٠ مرة إني هتوب الآن..

فجأة الجيران هللوا

و قالولكِ إني خسيس.. باعِكِ في أقرب وقت

فأنا مش سعيد دلوقت..

أنا مش سعيد دلوقت والله

لكن ساعات بشتاق

أضر بنات الأرض إشراقًا

و بقول طريقك فين؟!..

أنا وانتِ كنا اتنين طايرين في قلب السما
حبك جميل إنما.. ماقدرتش أمسك فيه..

أنا كنت فاكِر إيه

إنَّك هاتتكبري..

طب ليه بقيت مفتري

وخسرت قلب نضيف؟!..

أنا كنت شخص كفيف من كتر ما اتجرَّحوا
أول ما شوفتك هنا فجأة العيون فتَّحوا..

فأنا حُنت قلبك ليه؟!..

سامحيني لو ينفع

أنا ما ابتدتتش فراق..

و بعدت من يومها

أنا بس كنت بخيل ما قدرتش أصرف وعد..

فطبيعي كان البُعد أول طريق نعرفه

كل الكبار خرَّفوا

و قالولك إني جبان..

أنا كنت يومها مُدان

وبقيت سجين عادي

أضر بنات الأرض إشراقًا

السجن ده مش حرج

السجن ضد الهرج.. عن ناس كتير أجرموا

كل اللي حلّ الحب دلوقتي بيحرموا!!!..

فعرفتوا بابتعد ليه

ولا البعيد سوّاح؟!..

مين فينا كان مرتاح علشان بقاله حبيب؟

ده للحظة لو هَيغيب، هَيغيب معاه الهنا

طب ليه أكمل هنا طول ما أحنا مش دايمين؟!..

أنا واثتِ كنا اتنين نازلين نعيب في السما..

حبّك جميل إنمّا.. كان وقته ما يسعناش

كان حد فينا ما جاش علشان نكّمّل سوا..

فاكر جمال الهوا أول ما شعرك ظهر

حبيت عيونك دول فبقيت بخاف السهر..

كل الكلام اتشهر..

فبقينا ليه خايفين؟!..

هحكي لجميع الخلق إن انتِ كنتيلي

وأحكي لجميع الناس إن انتِ كنتِ الهنا

أنا كنت مين غيرك؟ عيل ضعيف مكروه

وبعيد كتير على الملاء..

أضر بنات الأرض إشراقًا

كل الكلام اتدلق
واتبقى حبري الجاف..
أنا كنت فجأة بخاف لما انتِ تتأخري
فأرجوكِ مرة اسهري
واحكي لي طول اليوم..
أنا لما أشوف النوم بالفاك حلم جميل..
كان صعب إني أميل وادفع بجهلي التمن
كنتي لي فجأة الزمن..
وَقَفَّتِي قلبي هناك
كان صعب يوم أَلْفَاك
وأبعد بجهلٍ تام..
كان صعب يوم أنساك
و في وقته أبقى تمام..
فاكرة الكلام والصور
و الضحك والأزمات؟..
فاكرة إني كنت في يوم تايه ما بين أمرين؟
لو كنتِ قُلَّتِي في وقتها نفارق
طب ليه نفارق وإحنا كنا اتنين..

أضر بنات الأرض إشراقاً

شايفك قمر والدنيا ليل

شايفك هناك زي الأغاني الملهمة..

أنا كنت فجأة معدّي جنبك يوم

فبقيت بغّي لوحدي عالسّلمة..

آخر بنات الأرض إشراقاً..

جايلك بكل هدوء

وبقولك طال سيرك..

أنا مهما سُفت بنات

فمفيش بنات غيرك..

القاهرة

فراق حبيبتى على شط نيل..
ودموع تغرّق باخرة..
القاهرة..
يوم لقيت حبيبتى
وعيونها كانت مستبشرة..
إليكم إذاعة بصوت الكفيف..
تردد إضافة في عمق المضيف
إليكم دموعي اللي مش راضية تنزل
في عزّ تساقط أشجار الخريف..
في عزّ الشوارع وصوت الأغاني
وضحكة صحاب تزلزل مكاني
في عزّ الحروب وعيون حبيبتى ساهرة..
بترفع سوريا تردّد إذاعة هنا القاهرة
عمارة ٦ في الزمالك
كنا نجري وفرحائين..
وكانت حبيبتى لما تضحك
تضحك الدنيا في عيونها..

أضر بنات الأرض إشراقًا

كان سطوح بيتنا قديم
وكان يموت ويدوق جنونها..
كان سطوح بيتنا عجوز
مرة ميّـل حبة عني
وقال لي يا ابني
ضحكت طب يجوز تكون شافتي
ولا هي شايقة غيرك؟..
لا ساعتها خدت بالي
إن بيتنا كان عارفي..
بس مدخل العمارة كان قارفي
لما هاجرت..
لما هاجرت حبي ليها..
لما نسيت ذكرياتي
لما لعبت في القصيدة..
وألّفت في روياتي..
مش قولتي إني ملاك
طب خدتي ليه الذكريات؟..
كتبتها في قلب النيل
النيل ده حد عويل!

أضر بنات الأرض إشراقًا

قلبه ده حن إليك
أول ماشاف دمعتي..
كان الطريق سَكِّي
والضلمة كنتِ انتِ
يعاملة فيها بلال
وفي عز ما أنا متخبي قومتي أدنتي!
يابحري وسفينتي
أنا كنت أقول بنتي..
أتاريكِ كنتِ لقيته
زرعتي فيَّ المرض
وأنا سُفت حَبِّك جيت
القاهرة..
حواديت زمان
وأنا غبت ماشي أحكيلها عنك
لأجل إني أحس بالأمان
القاهرة..
وقف التوقيت ساعتها وتسمعي
القاهرة دمعت من غير ماتمنعي..
القاهرة صاحبتني وعلى طول تشجعتني

أضر بنات الأرض إشراقًا

أجري أقولك بحبك

وعقلي يرجّعي

القاهرة سهرت ثلاث أيام

والضحك كان في كلامنا دايم من غير كلام..

القاهرة بعد ما كانت صاحبتني

أول ماشفت ضحكتك

قالت عليه السلام

كنت قاعد بسمعك

عقلي معاكِ

وقلبي بيدندن..

بتمر ساعات بعد لقانا

جابتك هواكِ

شق اللي فاضل في قلبي

نهاكِ..

لو كانت القاهرة مثلًا تنام على ضحكة من قلبك؟

لو كان في قلبك ضحك من أصله؟

كان استحالة تحن لحد يشبهلك..

أو حتى يبكي طالب في يوم فاصله

مرت ساعات بعد لقانا

أضر بنات الأرض إشراقًا

وأهي عطشت روعي ليك تاني

أنا عايز حل يكون قاطع

أنا نظرة من قلبي لقلبك

في ظل ظهور القمر الساطع..

ماهو يا أحن إليكي يا أحن إليكِ..

مفيش احتمال تالت في النص..

مشهد حياتي تعب وباط

من كتر الموتاج والقص

مشهد حياتي بدايته فراق

وأخره فراق

بداية من أول احتلال فلسطين

وتبدأ بعدها حروب العراق

ونزج نعمل عهود وأتفاق

لأجل إن قلبك يسبب الدمار

يسبب الخراب وكُتر الكلام

يرجع يعمل مايني وماينيك

معاهده سلام..

وأحس بوجودي في عمق احتياجك

أحس إني ابنك وأخاف عليك

أضر بنات الأرض إشراقًا

أحس بإيديك في وقت رضا
في نص الليل باجيب لك علاجك..
لأول مرة أشوف القاهرة بتبيكي
لأول مرة أحس بحزن شوارعها
كلمة ماسمعتهاش وداني
بس قلبي كان سامعها
دموع الفراق..
موج في الشوارع
بيبيكي اللي شايف..
ومات اللي سامع
على أربع سنين..
كتبت قصايد
تهز اللي صايد
ويومه جميل..
وتقفل مصايد
لقلبي الحزين
في أربع سنين

حييتك حب يهودي، لأرض مش أرضه

أضر بنات الأرض إشراقًا

أنا عارف بإن الأرض تسمح لي

أكون ليها ومش ليها..

لكن الظرف يجرحني

ويجبرني أكون ذكرى في أمانيتها..

عمّ الشتا

يا عمّ الشتا ماتزقش الأبواب
أنا الخالي بلا صاحب ولا أحباب..
أنا الشخص اللي حب
وفي نفس الوقت إتساب..
يا عم الشتا مش عارف بحبك ليه
وبستناك من السنة للسنة؟!..
مع إنك بتيجي تلاقيني زي ما أنا
لسه أنا وحيد..
بس بتحصل تغيرات بسيطة في الوشوش
هالات سودة تحت العيون
دمع عشش بين الجفون
يا عم الشتا ليه مصمم تحسني بوحدتي
بغربتي بين الأيام؟!
أكيد دلوقتي بتسألوا أنا بقول كده ليه؟!
يا عم هو أنت لو ضاع منك شيء
مش بتقعد فترة تبكي عليه؟!
ما بالك باللي ضاعت منه جميع الأشياء?!!

أضر بنات الأرض إشراقًا

باختصار أنا اللي قلبه مات من كتر الفراق..

في النهاية أنا عايز أعرفكم بنفسي

أنا المنسي..

أنا النهاية المأساوية في كل الروايات

أنا الإنسان اللي دايماً مكتوب في الأرشيف

أنا أشبه بالخريف..

أنا الرامي للسهام

وللأسف ولا سهم صاب!..

مش قُلت لك أنا الخالي بلا صاحب ولا أحباب؟!

أنا الشخص الوحيد

أنا اللي بيحن للماضي..

أنا اللي فراقه كان عادي..

أنا اللي دايماً متفارق

أنا اللي فراقه مش فارق..

وأخيرًا.. أنا العجوز اللي لسه في مراحل الشباب

فيا عم الشتا ماتزُقش الأبواب

مُحَدِّثِ فَاهِمِنِي

أنا ماتفهمتِش صح ولا مرّة..

الناس كبيرها تبص من برّة..

يشوفوا لبسك

وشكلك يحسبوك عايش..

وما دُمت عايش تبقى قُلُ الفل

مادام بتضحك يبقى كله تمام!..

الجيب فيه قرش تبقى عم الكل

والقلب عال ومصالح الأيام..

وأنا طول حياتي بواجه الأزمة

أزمة شعوري بياني مش مفهوم..

بيقولوا واقف يبقى مش واقع

ويقولوا عنده يبقى مش محروم..

ويشوفوا طبعي يقولوا دُمّه ثقيل

مغرور وشايف نفسه متكبر..

مع إني طفل وقلبي طفل وفيّا شخص جميل!..

مش ذنبي إني غصب عني أبان لهم أكبر..

جمعوا من بين الصفات كل اللي مش فيّا

أُضِرُّ بِنَاتِ الْأَرْضِ إِشْرَاقًا

شكيت في نفسي وقُلت أنا الغلطان..
حاسبت روجي في حاجات ما كانتش في النيّة
وجلدت ذاتي كإني متهم هربان..
الناس بقّت معدومة التمييز
وأنا قلبي صافي وعنده أي حدّ عزيز..
وعيوبي باينة وعارفها واتقيل بيها
وإن يوم غلّطت بالوم نفسي وأصحّيتها..
كان قلبي واضح وصباح زي عود أخضر
جيتكم لقيتكم بترموني بذنوب أكبر..
ده طبعه حامي وعامي رُوحه عن غيره
وده طبعه قاسي وناسي ناسه من خيره..
وأنا بيتي أوسع من بيوت الخلق
محدوف لظّي وظني خائق خنق..
وحضني مفتوح للي حابب بس أكون نفسي
مريض بنفسي اللي خايقة مش مريض نفسي!!..
ونفسي بس اتفهم بين الضمير والحقّ...

عمِّي الكبير

ليلة ما عمِّي اتوفِّي قالوا شديد
ثابت وشادد نفسه قلبه حديد..
وأنا كنت يوم ما اتوفِّي ماشي وراه
فاكره مكسّل يمشي فرقعناه..
وإن حد قال لي ده مات أنا كنت أموت فيها
أنا كنت عينه ودراعه وكلمته وعصاه..
عمي وأنا كنت ابن له وكنت شبهه
وربطني حضنه اللي لو مش ليا هختاره..
وكان جذوري وأساسي ونبتي في الأرض
تلسعي شمس تزيد الشمس في سماؤه..
الناس تاخدي بحضن أقول أنا استكفيت
جاي من ضلوع اللي كان البيت في قلب البيت..
تهموني إني عديم الدمع والإحساس
وأنا كنت يومها باعزي نفسي قبل الناس..
والناس تقول البقية في حياتك، أقول ماهي حياته؟!

أضر بنات الأرض إشراقًا

أنا شخص ضال لعشيرته وناسه واخوانه..

ويوم وفاته اتولد جوايا ومشيت بيه

فالناس بتبكي إزاي وأنا عمي في وفاته

وقف بياخذ عزاه بإيديّ وأنا بنعيه؟!

شخص بسيط

وأنا يوم ما سبت حبيتي

قالوا ما مالش

ده كانه لسه عارفها من كام يوم!..

خرج سليم وأديه ماشي في طريقه يحب..

وأنا كنت والله باركض دمعتي بتسب..

بترجع لعيني علشان مايشوفش دمعي الناس

مع إن حُزني لغاية الرجل لما تدب..

قالوا استقرّ ومرّ وعدّى مش مُهتمّ

بيعايروا واحد بواحدة بتجري مجرى الدم..

ويشوفوا إنه معتزل علشان يكون رايق

ومش علشان مكسور محتاج يغيب يتلمّ..

أنا كنت إيدها اللي نقت وردة من البستان

وكنت بارفانها اللي عامل هجرة للفستان..

وكنت لونها اللي باقي في علبة الألوان

وهي كانت أهم في أي حاجة أهم..

أنا وجعي فيها مايتصورش بدموعي

وهروي ليها مايتغيّرش برجوعي..

أضر بنات الأرض إشراقًا

فالصمت أبلغ كلام ممكن أكون قُلتَه

في واحدة ماشية وسائية

وجعها في ضلوعي..

أنا شخص أبسط كثير

من اللي انتو شايفينه..

وحكايتي أسهل كثير

من اللي انتو حاكيينّه..

وإن كنت حتى مش الشخص اللي عاوزينه

فماستحقش تقولوا عني مش إنسان..

أنا قصدي أقول للي جاي

يصبر عليًا يومين..

ويمد إيده في روعي

يداوي جرح سنين..

وأنا وعدي أشيله في عينيا

وأبقى شهم أمين..

وأديله روعي إن طلبها

وأبقى أغلى ما ليه

أنا شخص فيّ الرجاء

أضر بنات الأرض إشراقًا

مكسوري نُص زمان

وكل أملي إني أَلِقي

نُص أكَمَل بيه

ما بتحبكش

وعهد الله ما بتحبك
فللم شوقك السارح
ورا طيفها في كل مكان..
وفوق من وهمك الواضح
وصصح عقلك الغفلان..
وعوّد قلبك القسوة
وعلّم روحك النسيان..
وعيش بكرامة أحسن لك
وأيه جابرك
تعيش وياها يارادتك رخيص متهان؟!..
قِبلت تعيش في حالة بتشبه الهديان
عشان واحدة ما بتحبكش..
وليه ما أعرفش؟!..
وافقت تحب إنسانة ما بتحبكش..
وتسهر كل يوم ليلك تسح دموع
وتبكي بِحُرقة كالأطفال بصوت مسموع..
وتتمنى تكون شايفك..

أضر بنات الأرض إشراقًا

ولو حتى تكون حسّاك
عشقت شيطانة من الآخر
ومن خبيتك فاكرها ملاك ..
كتبت الشعر في عينيها شهور وأيام
وقلت مَافيش حبيب غيرها سنين قُدام ..
عملت جناها محرابك
وخليتها تصلي إمام ..
وكان أصلًا ماتنفعلكش
ولا كان توبها من توبك ..
دي ليها في كل ساعة حبيب
وكان عملاك يادوب واحد
شبه غيرك من المحاسيب ..
ويتبدل كمان فيكم
وعملاكم كما المراكيب ..
يا راجل عيب !! ..
ماتستلوحش .. ماتتسوحش
ماتتمسحش .. ماتتشعلقش
وتمسك حبلها الدايب ..
ولا تكملش

أُضْرَ بِنَاتِ الْأَرْضِ إِشْرَاقًا

فِي سَكَةِ قَلْبِهَا الْمَهْجُورِ
فَضَلْتَ كَثِيرَ تَعَمَّرَ أَرْضَ خِرَابَانَهُ
وَفِي الْآخِرِ بَتَطْلَعُ بُورِ..
حَافِظْتَ كَثِيرَ عَلَى عَهْدِكَ
وَهِيَ بَاعَتْ لَكَ الْأَوْهَامَ فِي شَكْلِ قُصُورِ..

حَلَفْتَ إِذْكَ

تَصُونُ الْعَشْرَةَ وَتَصُونُهَا

وَحَلَفْتَ هِيَ لَتَتَّبِعَكَ

وَتَفْضَحُ سِرَّكَ الْمَسْتُورِ..

فَلَمَّ الدَّوْرَ

وَسَيِّبُهَا تَغُورِ..

دِي وَاحِدَةً فِي الْأَسَاسِ خَايِنَةً

وَكَانَتْ بَايِنَةً

وَلَكِنْ قَلْبِكَ الطَّيِّبِ عِشَانِ طَيِّبِ مَا يَبْصُقُشِ..

وَمَا يَبْعُرْشِ مِنْ خَيْبَتِهِ

وَلَا يَفْرُقْشِ مِنْ طَيِّبَتِهِ

مَا بَيْنَ الضَّلْمَةِ أَحْيَانًا وَبَيْنَ النُّورِ..

فَرُحْتُ تَحِبُّ إِنْسَانَةً مَا تَشْبَهُ لَكَشِ

أضر بنات الأرض إشراقًا

ورغم ده كله حبيتها..

وهي في الأساس كارهاك مابتحبكش

وعهد الله مابتحبك..

اختار صح

اختار صح من الأول
خد اللي تصون الود
يمكن حالك يتحوّل..
و بيان الأصل بجد
دور علي بنت الناس
واختار بميزان حساس
هتشيلك فوق الراس
وفي وقت الشدّة تسدّ..
اختار صح من الأول..
وبلاش تتعزّ في شكل
دي عشرة عمر يا صاحبي
مش لعب وشرب وأكل..
ياما ناس في الشكل كيوت
وأرق من البسكوت
مالهمش في فتح بيوت
إهدا وفكّر بالعقل..

أضر بنات الأرض إشراقًا

اختار صح من الأول..

اختارك قلب حنون

لو هم الدنيا يطوّل

تفضل جنبك وتصون

إدعي وأنت بتصلي

قوله يارب اختارلي

زوجة صالحة ويسرلي حالي

وارزقني العون

الفلاتين

في عيد الحُب لو زعلان
بلاش زعلك..
و لو على الورد والدباديب
ما بُكرة تجيب ويتجاب لك..
ولو متساب ومش قادر
هايجي الدور عليك وتسبب
و تعرف حد شغلانته
علشان حبيته يشتاك لك
و يشتغلَك!..
ويصبر عادي لما تغيب
ولما في مرة تحتاج له
هايخسر شغلُه ويقابلَك..
و تتخانقوا عشان مرة
سهرت كثير ونام قبلك..

أُضِرُّ بِنَاتِ الْأَرْضِ إِشْرَاقًا

و تتصالحُوا.

تعيش بتخاف على مصالِحُه

وهو يحب ويسامح..

تحبُّوا في بعض و تضحُّوا

وتحكوا كثير عن إِمبارِح..

عن الوحدة وعلى الأيام

وعلى النوم اللي كان دايماً

مفيش في النص فيه أحلام..

وتفضل تحلف استنيت

ويحلف لك

ولما يلاقي رقمك ويت

يطلِّع ن عين أهلك..

ليه تستعجل على مشاكلك؟!

وتكسر كل يوم تليفون

وأخرتها...

هاينسى الحُب والذباذيب!..

ويتقال لك غي ومجنون

وينسى الورد ويسيبك..

مفيش في الدنيا دي أحسن

من إنك ترضى بنصيبك..
و بكرة تجب عيب واحد
و يقبل بيك على عيبك..
يا سنجل كل يوم يضحك
ماتستعجلش على جرحك..
فيه واحد نفسه في ملامحك..
في يوم هتقابله ده حبيبك..

رسالة مابتوصلش

إلى الشخص اللي مش زعلان
ومش فرحان
ومش حاسس بفرق العيد..
إلى الشخص اللي مش غايب
وللسايب
ولللشخص اللي لِسّه بعيد..
إلى الشخص اللي مايضحكش
وللي هروبه دايماً ضحك..
إلى الشخص اللي مايقدرش
يدارى في حُزنه على الفيس بوك..
إلى المُدمن لصوت أنغام
و للي عتابُه من حُبُه ..
إلى الشخص اللي لَمَّا ينام
بيقلَق من وجع قلبُه..
إلى اللي بيعشق النيكوتين

ودايماً وحدثه اللمة ..
إلى الكاره لكل روتين
وعنده فوييا من الزحمة!..
إلى العيان..
إلى اللي الناس زمان جرحوه
وللي لسه بيّفكر .. يفرّح مرة أمه وأبوه..
إلى الأصحاب..
وللي ماعهوش مُفتاح الباب
لكن نفسه..
اللي تملّى بيّفكر
في ناسه وبس مش نفسه..
اللي تملّى مع فيروز
ومستني الشتا تشتي..
إلى الشاب اللي مش عارف
يقول لحبيته : (يا حبيتي)..
وللبنت اللي متضايقه
علشان تخنيت كمان سنتي..
إلى الورد اللي نفسنا فيه
وللشوكولاتة والقهوة ..

أضر بنات الأرض إشراقًا

إلى الناس اللي ننساها
و تيجي في بالنا على سهوة..
و توجعنا!..
إلى اللي في حُبِّه لَوَّعنا
وكمَّلنا عشان بنجِب..
إلى الناس اللي مش فاهمة
غير الأنانية جوَّه الحُب..
إلى الخافين .. من الضلمة
وللي الضلمة دي ونسهم..
إلى العايشين على كَلِمة
وللظالمين أوى في ناسهم..
إلى الشخص اللي أنا وحشاه
وللي شايِلتي ذَكَرَى معاه
وللشخص اللي على بالي
وللحُضن اللي بتمنَّاه..
تملَّى الدُّنيا ما بتدِّيش
غير اللي يقول ده خير جالي..
بلاش تَزعل في ليلة العيد
فيه ناس حواليك بتفرِّح بيك

و لو لَسَّه ماجاش جِلْمَك
ياريت تصبُر وبُكْرَة يجيك..
وقول دايمًا أنا راضي
وقولُه يارب : أنا حامدك
مفيش في الدُنْيا شيء كامل
خلقنا ربنا ناقصين
علشان تحتاج حاجات عِنْدِي
ويفضل جِلْمِي شيء عندك...

تحياتي

تحياتي

لأوّل جرح

و آخر جرح في حياتي..

تحياتي

لأصعب فصل في روايتي

لآخر سطر في حكايتي

لكدبة عشتها يُوماني..

تحياتي..

لُدنيا عشتها كآبة

لأجمل واحدة كدّابة

لُكل الشوق في سلامتي..

بعد التحية و دعواتي

و بعد السلام

كنتبت لِك حَبّة كلام..

من غير ندم

أضر بنات الأرض إشراقًا

من غير خوف

من عشق في القلب إتعدم..

إن كان بإيدك ولا ظروف

كلام بيحي عن الألم..

كلام من قلب كان موجوع

كلام إحساسه أكيد يوجع

لو لسه عنيني فيها دموع..

بحق الجرح و المواجه

بكل ما فيا مش راجع..

مابقاش الوقت وقت عتاب

بآخر نُقطة من دمي

كتبت بإيدي ألف جواب..

بقلم في الأصل كان كداب

أو يمكن منك إتعلّم

يبيع العشرة و يسلم..

يحب جديد و يتساهل

و يرمي الحب بالساهل

بآخر بُرج من عقلي..

لغيت للعشق أي حساب

مسحت الذكرى من قلبي
و بخط الإيد كتبت كتاب..
بيقفل كل باب كداب
يادوب من الجلدة للجلدة..
لدنيا عشتها في وحدة
و ندمت أكيد على حُب سنين
كتبت فيه يادوب سطين..
سطر بيحي حكاياتي
و آخر سطر كالاتي
تحياتي..
لأجمل بنت في الدنيا
و أكبر غلطة في حياتي..

وحشتيني

مخدتش بالي من خوفك
في وقت ماقولتِ أنا ماشية ومش هارجع..
ومالاحتش، بأن عينيك من الدمعة بقت تلمع..
مفكر عادي هتروحي وتيجي ومش هتتسيني..
أنا آسف علشان خاطري تسامحيني..
طب افتكري لي وقت ماكنت
مش عارف
مفيش آسف هتشفع لي..
إيه اللي عملته علشانك؟!
أنا لو كنت في مكانك
هوفاق أنك تسيبيني وتتسيني..
ضغطت عليك ١٠ مرة وشلتيني..
حاولتِ كتير ترتبي فيا ومنعتك تضميني..
وقيدت في قلبك الغيرة وبتلذذ بنار غيرتك..
وما اهتتمش أجيب سيرتك..
وبتجرّح وبجري عليكِ تداويني

وبتداوي بدون ماتقولي تستاهل..

وأنا الجاهل

أنا اللي خسرت حد أمين

وبعت رخيص وبالساهل..

عملت اللي يخليك بعيد عني

وصممتي تحييني

فسامحي ياريت وجواك تحييني..

وضميني..

عشان يا أميرتي بحلف لك وباقسم لك

وحشتيني..

كلام لصديق

صديقي الغايب الحاضر
لروحك بهدي ليها سلام..
يا أول ضحكة أعرفها
وأول حد أخذت عليه
يا أول شخص بستنّاه
ييجي يزورني في كل منام..
أما صحابك فكله تمام..
بنسهر كل يوم بالليل
وسيرتك حاضرة في كلامنا
وصورتك ثابتة قدامنا
ووشك ضيئه نوره الله
وريحتك في المكان سكناه..
وروحك لسه فيها حياة
وصوتك دافي كالعادة
بيتردد في تليفوني..

أضر بنات الأرض إشراقًا

تقول واحشني أوي يا صاحبي
ونرغي ونحكي كلام كثير
وبابكي عشان بتوحشني
وباحكي لصورة من صورك
ودايماً آخدها بالأحضان..
أما الدنيا في غيابك
سواد يشبه سواد الليل
مجرد بس قبر كبير..
وأديني وحيد أهو بعدك
وصوتي العالي بقى مكتوم
وحيد في حالي طول اليوم..
واحشني حضنك أوي يا صاحبي
وصوت نَفْسك وطبطبتك
وأبسط حاجة في التفاصيل..
وضحكي الخالي من التمثيل
ورغي كثير نهايته تكون
أنام معرفش نمت إزاي!..
وحشني هزارك المجنون
وآخر بُق حَبَّة شاي..

أضر بنات الأرض إشراقًا

ودائمًا أصلي وأدعيلك
أخش الجنة وأجيلك
وأعوّض قهر حزن زمان..

صدفة حب

لما قابلتِك كان صدفة
كإن ما بينا إتفاق..
أصبتِ قلبي بلهفة
كإنك لُقَى بعد فراق..
يا أول حاجة بتمناها ماتكونش لغيري
وتكون ليًا..
يا نعمة ورزق وهدية
يا وردة على هيئة بنت
يا بيت وفيه سكنت..
يا أجمل بيت
يا أول حاجة بتمناها
وتيجي زي ما اتمنيت..
يا آلة بتعزف أجمل لحن
يا فرح جالي بعد الحُزن..

أضر بنات الأرض إشراقًا

يا قوّتي في وقت ضعفي
يا أمانِي في وقت خوفي
أنتي اللي طول العمر جمبي
حتى في أصعب ظروفِي..
يا حبّ حليم لسعاد
يا حب نفسي لو يتكرر أو يتعاد..
هو أنتي مين زيّك؟
هو أنتي مين قدّك؟
كل حاجة بتبتدي بيك
وتنتهي عندك..
يكفيني نظرة من عينيك
وأفضل طول العمر جمبك..
يا عكازي في الستين
يا عوض جالي بعد سنين..
يا أقرب من فصيلة الدم
يا حبيبة بمثابة أم..
يا جنانين ورد
يا دفا جالي في وقت البرد..
ماقدرش أتخيل الدنيا بدونك

لأن الدنيا عندي في ضحكك

أو

في نظرة من عيونك..

يا ملكة جمال الكون

يا سكر لون..

بجبك حب مش عادي باعشقك بجنون

لو جيت أوصف ضحكها

بجد هقول حاجة أبعد من الخيال..

يا واحدة تعبت من وصفها

لأنها كل فترة تزيد جمال..

أنتِ زي صوت المطر

زي السهر في قهوة قديمة على غنوة أم كلثوم..

باختصار.. انتِ علاج للهموم

زي الغريق

فاكرة زي اليومين دول
كنت أنا وانتِ بنقول لبعض
كل سنة وإحنا مايفرقنا بعد..
وداعًا للسنين اللي فاتت
ويا أهلاً باللي جاي..
ومايهمنيش اللي جاي إيه
بس الأهم تكوني فيه..
لأن وجودك كفيـل يطمّني
بس دلوقتي بقيتي بعيدة
وفي إنتظار إنك تحيّي..
كنت بحبك
كنت أعمى وسلكت دربك..
وماكانش قلبي بيرتاح إلا بقربك
بس للأسف كانت..
فجأة القلوب اتغيّرت

أضر بنات الأرض إشراقًا

وكل الشوش بانتي..
أنا مش ندمان على حبك في يوم
الوجع أكثر من كده..

حقيقي أنا مصدوم
ومع ده كله لسه بحنّ لك!!

بسأل عليك

لسه بسأل عليكِ
لسه بيهزمني الحنين..
يا قلب يا مسكين
أنا هنا
بس هي فين؟
حبت واحد غيري
بعد ما غيرت خطوة سيري..
وسابتنني في نص الطريق..
هي عارفة إني مابعرفش أعموم
لكن سابتنني زي الغريق..
ومع كل ده لسه يا قلبي بتحن لها؟!
القلب لو ينطق هيقول
والله ما ذنبي حبها..
أنا حقيقي برتاح بقريها

لكن حبها أنا عنه مش مسئول..

حبها كان بالصدفة

خطفتني من أول نظرة

لو أعرف إنها مهاجرة..

ماكنتش حبيتها

لكن في النهاية..

أحب أقول لك يا صاحب النصيب

أوعاك في يوم تقسا عليها..

أوعاك في يوم تبكيها

هي صحيح بعيدة

لكن لسه بخاف عليها..

والمفاجأة إني لسه بحبها

ومن غيرها مش قادر أعيش

لكن في النهاية.. ما حبتنيش..

فراق محتوم

أنا و أنتِ

كان بينا يا حلوة كثير ياما

و حياتنا بتشبه لدراما

أو جايز فيلم رومانسي قديم..

شاديه الواقعة في حُب حليم..

أو عمرو بداية عام ٢٠٠٠

أنا وأنتِ بنشبه أوي لشرين

إحساسها في آخر أغنية

أنا مالك فيكٍ كثير ليّا..

مع إني في روعي ولا أملك شيء..!

أنا سُفت في عينك طفل بريء

بيكمل واجبه الصُبحية..

أنا ليا في عينك طبلية

وسطوح مفروشة و حَبز عَجين..

أضر بنات الأرض إشراقًا

نضارة ستي البنية

والفرن المصنوع من طين..

كوتشينا في دُرج النملية

مش فاكر كُنت جايها منين..

أنا ليا في كونك كام ذكرى

مش عارف راحوا أساسًا فين؟!..

غصبوني أكتبلك ميت مرة

وأنا بكتب بس في بني آدمين..

إن كان في عيونهم شيء ناقص

فَبَشُوف في عينيكِ الحاجة اتين!..

أنا و أنتِ اتين كما أي اتين

بيحبو حياتهم عالوشين..

محلوة الدنيا عشان مع بعض

أنا و أنتِ لبعض..

لو بس هنقدر نوفي بوعد..

بنخاف وبشدة إن حد يسبب

أنا شخص غريب جدًا لكن

مش هبعد فجأة وأقول ده نصيب..

أنا ليا في كل وريد نبضة

أُضِرُّ بِنَاتِ الْأَرْضِ إِشْرَاقًا

أنا قلبي في بُعْدِكَ شابٌ صَدِّيّ..

أنا عِشْتُ مَعَكَ سَعِيدٌ وَحَزِينٌ

أنا شَابٌ فِي سِنِّ الْخَمْسِينَ

وَمَا زِلْتُ بَعَاثِرٍ مِنْ أَجْلِكَ..

أنا شَخْصٌ كَثُومٌ لَا يَقُولُ وَلَا أَلُومٌ

وَلَكِنِّي مَصْمُومٌ أَفْضُضُ لَكَ..

مُحْتَاجٌ لَوْ بَسَ أَعْوَضُ لَكَ

عَنْ كُلِّ سَنِينٍ مَرَّتْ قَلْبِي..

بِأَكْتَبُ لَكَ حَالًا مِنْ قَلْبِي

أنا لَسَهُ بِأَكْفَرُ عَنْ ذَنْبِي..

مَتَعَشَّمُ أَقَابِلِكَ فِي الْجَنَّةِ

وَمَصْمَمٌ بَرَضَهُ إِبْنِي اخْتَارَكَ

مَعَ إِنْ حَيَاتِي أَكِيدُ أَوْلَى

الْحُكْمُ بِيحْتَاجُ لَهُ مُرَاوَلَةٌ..

أنا وَأَنْتِ مَا بِنَا فُرَاقٌ مَحْتومٌ

بِنَفْتَحُ لِيهِ فِي حَاجَاتِ فَاتَتْ

وَالْبُكَاءُ عَالَمِيَّتٌ مَالَهُ لَزومٌ؟!..

..

القهوة علاج مرضى الوحدة
والوحدة نتاج محتوم عن كبت..
والساعة إن كانت ماشية بتجري
فالعمر بينزف أصلًا وقت..
كيفك دلوقت؟..
أتمنى تقولي خلاص صدقت
إن العلاقات دي مسائل وقت..
و آمِنت بِإن الحُب هلاك
مين منهم فاضل لسه معاك؟..
دى الصحبة تموت في الزيتة وبس..
يتلموا عليك بِسجارة حشيش
إنما في الموت
إنما في الموت فَماتسألنيش!..
من يوم ما وعينا وعارفينها
جدعان × الشدة = مافيش!
رايحين على فين؟
على سكة سراب مالهاش رجعة..

أحضان الحُبِّ أكيدِ بدعة
أشياء واجعة..
في قلوبنا وحافرة مكان فيها
بنصمم ليه نرجع ليها؟!..
دي طبيعة قلوبنا ما بتحبش
غير كل اللي بييجي عليها!..
بدليل إن أنا بكتب عنها
ومصمم برضه أميل ليها..
بدليل إن أنا واهم نفسي
على إني ما هأكمل غير بيها..
بالعن قلبي عشان سابها
مع إن ما بينا فُراق محتوم..
وفُراقنا أساسًا بإيديها...

يُحْكِي أَنَّ

يُحْكِي أَنَّ

من حوالي ١٠٠ سنة

الخير ده كان مالي البيوت..

والشرّ كان ساعتها في الخيال

والحب كان مضلل عالقلوب..

والغل عمره ما خطر يوم في بال..

والكره كان بيسمع سيرة الناس يخاف

والحقد كان مطرود بعيد

وتملّي كان شارد لوحده

من سُكات..

وكل حاجة وحشة

كانت في تعداد الممات..

والحياة كان طبعها مختلف عن وقتنا

لا إحنا منهم

ولا حتى هما زينا..

أضر بنات الأرض إشراقًا

من حوالي ١٠٠ سنة..

جدي وجدك عاشوا عيشة الملوك

كانوا أغنى مني ومنك ومن أبوك..

كان عندهم فدان رضا

وفدان قناعة

وفدان سعادة..

و ثلاث فدادين من الأصول

كان عندهم عقل وذكاوة

ولكل مشكل

تلقى ألف من الحلول..

كان عندهم حبة فرح وياه سعادة

والفرحة دايماً كانوا يطلبوها زيادة..

الواحد كان يحس

بان حاله أحلى حال..

وإن ماله نقص

يزيد في قلبه الاعتدال..

جدي وجدك من ١٠٠ سنة

كان وقتهم مختلف تمامًا عن وقتنا..

لا إحنا منهم ولا هما أصلًا زينا..

أضر بنات الأرض إشراقًا

يحكى أنّ.. من كام سنة
العالم كانت تحب الخير لبعض
وكانوا يقربوا
لحد ما ينسوا معنى البعد..
من كام سنة..
مش من بعيد عن عصرنا
من وقت قريب منا..
وفي نفس بيوتنا وحيّنا
كان فيه أناس
بتمشي الطيبة في دهمهم..
والخوف والغدر والخيانة
يستحيل تقرب منهم..
لا هم شهنأ ولا بطباعنا
ولا إحنا أصلًا زيهم..

باحكيها

باحكيها

عن شلّة زمان

هي كمان كانت منها..

حتى كمان كانت عارفة

إني بكنّ ليها الحب في قلبي

لكن ماقدرتش أعلنها..

لكي قدرت وقلت لها

بس ماجتش في تفكيرها

غير بس عشان ترضي ضميرها..

وتبان كضحية ومهزومة

لظروف كانت خارج إرادتها..

بحكيها

عن تمثيلها اللي أنا صدقته زمان..

وإنها حبتي

وإنها بتموت لما أوحشها..

أضر بنات الأرض إشراقًا

ونفسها تحضني

قال يعني خلاص كنت حايشها!!..

ما أنا كنت باموت لو توحشني

وكان نفسي في حضني أعيشها..

لكن الفرق ما بيني وبينها مفيش

غير إن أنا حبيتها وهي ما حبتنيش..

كحبيبها كالطفل اللي محبش غيرها

ما كانتش صريحة في مشاعرها..

حبت لعبة زهقت منها فكسرتها..

باحكيلها

عن تمثيلها هو اللي مكمل وباقيها

ومبقي حاجات..

أنا كنت زمان مش بافهمها دلوقتي فاهمها

وبدأت أعيش الدور ويّاها..

وأمثّل إني بادوب في هواها

وأقول لكل إن أنا مش هاقدر

أكمّل عمري إلا معاها..

وظبطت الدور اللي رسمته

ونسيت الحلم اللي حلمته

أضر بنات الأرض إشراقًا

ونسيت أوجاع صبحت ماضي..

ونسيت الماضي بأوجاعه

ونسيت أيامي اللي خانتها

وبقيت اتفنن في التمثيل

وأتعلم منها..

باحكيها

قبل ما أكلمها بحبها..

كنت بكلم صاحبي عليها

وأقول له إن أنا مش هاعرف أعيش مع غيرها

وإنها في القلب وتفكيري..

ومش هاقدر أشوفها في إيد غيري..

وإن يحصل حتمًا هتألم

وهعلم على قلبي بخط اسود..

وهسلم من غير ما اتكلم

أهو ده التمثيل ولا بلاش!..

بنصدق كدبة ما بنعيشهاش..

ودي أكبر خيبة

ومش عيبة.. للكذب نهاية

لكن الكدبة دي بالذات

أضر بنات الأرض إشراقًا

نهايتها غريبة..

تتلخص في الكام سطر الجاين

حببتها وهي ما حبتش

غير بس وجودي..

سببت لها وجودي فحبتني

فبقينا خالصين!..

ست البنات

البنات دي تشبه أوي
نبرة حلیم في الأغنيات..
البنات دي فيها جمال
يشبه قلوب الأمهات..
البنات دي قصة وحكاية
تشبه أوي لإسكندرية
في حُضنها وقت الشتا..
هي القصيدة المُلفتة..
هي الندى وقت الشروق
تشبه أوي لبيوت زمان
نفس الأمان نفس الهدوء..
ضي القمر جاي مئها
وبتعكسه عالكل فوق..
تشبه لصوت السيت جدًا
تشبه أوي شكل الشوارع

أُضْرُ بِنَاتِ الْأَرْضِ إِشْرَاقًا

فِي الْقَاهِرَةِ

وقت لما الفجر يدن..
تشبه هدوء الليل ساعات
تشبه لصوت فيروز أوي
مخلوق في صوتها مُسكنات..
البنْت دي سِتِ البنات..
جواها روح تشبه لها
كل مَنْ شاهد عيونها
اتمَّيْ يُسكن قلبها..
تشبه ملاك وكأَنَّها
مخلوقة من نور زِيَّهم
حتى الملائكة بحُسنهم
طالبيها تُسكن عندهم..
تشبه لكل جميل وهادي
وأنا قلبي مش قابل وراضي
ولا لحظة يبعد عنَّها..
كل البنات هنا واقفة جمي
وأنا قلبي واقف عندها..

حدُوة قديمة

خليني أحكيك حدوته
عن كل اللي أنا شيلته في روجي..
اعتبري إنك واحدة جميلة
بعد ما حبيتك بتروحي..
وتقولي إن المشكلة عندي
وتقولي كمان إن أنا عندي
ومش عارف أقيّم أخطائي..
وحاجات من ديه كتير يعني
مش فاكر بصراحه الباقي..
وتسيبي فراغ جوا في روجي
بعد ما حبيتك بتروحي..
وكأن الحب ده شيء ساهل
مشيت؟ عادي..
مبقتش خلاص واقفه قصادي
فهنام وهقوم يعني ناسيها

أضر بنات الأرض إشراقًا

وهحب كمان من بعديها..
كان هو ده أصلًا تفكيرها
فاعتبري كأنك بقى غيرها
واعتبري إني خلاص حبيتك..
وعملت مكان جوه في قلبي
حطيتك فيه وبقى ده بيتك..
فتقولي إزاي ساكنة في قلبه
وفي قلبه مكان فيه جرح قديم؟!
أنا نفسي اتحب في قلب سليم..
مش ممكن أعيش كخيار ثاني
ممکن ترجع له وينساني
أو يبقى معايا ومايشوفنيش
أبقى أنا عايشة حياتي عشانه
وعشانها يخون أو ليها يعيش..
بصراحة حياته ماتلزمينيش
خليه وياها بتفكيره
أنا قلبي هيفرح مع غيره
مايكونش في قلبه ندوب وجراح..
فاعتبري إنك ولتاني مرة

أضر بنات الأرض إشراقًا

حد أنا حبيته وسابني وراح..
ببساطة شديدة أنا مش فندق
الناس هجراه أو ساكينه
ليه بعد أما يعيشوا في قلبي
الكل بيغرز ساكينه؟!..
من كل الجاي بقيت خايف
فوييا بتتكون من الأحلام
وبقيت بعتر الحب كلام..
عادي هتيجي
وهتمشي في قلبي وفي وريدي
بعديها تعيبي كما الباقيين..
مبقاش فيه مكان جوه في قلبي
يستحمل طعنات الساكين
مش عايز أحبك، فهماني؟..
أصل اتي كمان نفس الصورة
فهيحصل إيه بعد ما أحبك؟
هرجع وراياتي أنا مكسورة..
كلُّكو هَيَّا
وأنا مش متحمل تضحية

أُضِرُّ بِنَاتِ الْأَرْضِ إِشْرَاقًا

أنا قلبي أساسًا منكسّر..
على إيه اتحمّل حُب جديد
في الآخر هارجع متحسر؟..
شوفتي الحدودة وتفاصيلها
وعرفتي إن الركن الناقص
في حياتي هيكمل من غيرها..
أنا آسف يعني على التشبيه
لما أنا شبّهتكَ بقى بيهم..
بس أنا حبيت إني أقول لك
من غير ما اذكرك أساميهم..
حبيت إنك تقري الأوجاع
علشان تعرفي تفهمي خوفي..
واديني حكيت كل ظروفي
فيا تري هتكوني اتني المرسى
ولّا اللي بعيشه زي الحادّة
وأنا هبقى بعيش تالت كارثة؟..

أهل التاريخ

تعالى بس اتخيلى
أهل التاريخ لو شافوكِ
هيحصل إيه؟!
أرسطو مثلًا أعقل ما فينا
لو شاف جمالك كان اتهوس
أو حتى كان صابه الجنان!..
و دافنشي هيلف بريشته
يرسم صورك في كل مكان..
بيتهوفن هيطوفها بلاد
و عشائك يعزف في كمان..
فتعالى بس اتخيلى
أهل التاريخ لو شافوكِ
هيحصل إيه?!..
أما نيوتن فهيعترف
إن قانون الجاذبية

أضر بنات الأرض إشراقًا

في الأصل كان أصلًا عينيكِ..
و عم قيس فهينسى ليلي
و هاييجي و هيطلب إيديكِ..
و عنتره، وكل قصايد
هتبقى ليكِ..
تعالى بس اتخيلي
أهل التاريخ لو شافوكِ
هيحصل إيه؟!..
أما خوفو هييني لاجلكِ أهرامات..
و يتوَّجكِ ملكة على عرش البنات..
ده حتى هتلر
لو شاف في يوم ضحكك
كان بقى داعي للخير والسلام!..
و عم نجم هيذكركِ جوه القسايد
و يغني ليكِ الشيخ إمام..
و نجيب محفوظ
هيوصفكِ جوه الكتب
يانكِ انتِ الدفا
و انتِ الشفا وانتِ الأمان..

أضر بنات الأرض إشراقًا

باختصار..

أهل التاريخ لو شافوكِ

هتغيري مجرى الزمان

مجرّد أخ

حاولت أعمل حاجات يمكن تفرّحها

وحطيت نفسي مطرحها

علاقة من طرف واحد..

وواحد بس كان مُهتم

وكان الثاني مش فارق

وعنده حد تاني أهم..

يوماتي كنت أكلمها

وأفهمها إنها غالية..

وشاري بجد والله

لكن هي اللي مش شارية

لحد الآن أنا باقي..

برغم إن البعيد عادي

ومش فارق هوايا معاه

ومش سامع ولا راضي

أُضِرُّ بِنَاتِ الْأَرْضِ إِشْرَاقًا

أنا اتأكّدت من حبّي

لكني مازلت شخص غريب..

بكل بساطة جرحتني

وقالت صعب تبقى حبيب..

مجرد أخ مش أكثر

وصعب إني أفكّر فيك

ماتتعلقش وتفكّر..

عشان أنا مش هاكون يوم ليك

قبّلت كلامها وأنا في ذهول

وعمال يعني أقول معقول..

أحب اللي ماحبتنيش

وأسيب كده واحدة حبّيتني؟!!

وعادي سهل هي تعيش

وهي بكلمة قتلتني؟!..

بعدت وعشت بعديها

كثير فكرت أنا فيها

وكان نفسي في يوم أهدي

وليه مش عارف أنساها..

اللي شوفته بجد أنا معاها

ماشوفتوش لسه مع واحدة؟!..

فضفضة نُص الليل

بتكتب ليه؟

وليه مالي الورق أوضتك؟..

وليه قافل بمية مفتاح على قلبك؟..

ومابتحكيش ولا تبوح بإيه واجعك

وفي الوجع مالکش رفيق غير نفسك؟..

هحكي لمين؟ ومين أصلًا هيسمعني؟!..

مهما حكيت فوقت هزاره هايوجعني..

أو حد يبجي له بديلي فيبعني..

مالقتش غير نفسي هي اللي بتساعني

خلاص أنا جمبك وهاسمعلك..

حابب أعرف إيه حكايتك

سمعت كتير هاكون جمبك..

وأكثر منها أنا في ضهرك

أنا دايمًا هاسمعلك..

أضر بنات الأرض إشراقًا

ولاجل فضولك هاحكيلك..
وهاستنى في لحظة رحيلك
كما اتعودت من قبلك..
أنا مجرد شخص كئيب
مبيدومليش ولا أي حبيب..
برتاح أما ببقى غريب
هتشوفني شخص عجيب..
راسم ضحك على وشي
رغم إن قلبي في ضيق..
بمشي لوحدي جوه طريق
مخلى الصمت أحلى صديق..
لأن همومي ماتهمش المخاليق
فبضحك عادي وسط الناس
وأبيّن إني بدون إحساس..
لكني لوحدي ببكي كثير
وعادي مانامش من التفكير
ودايماً عينيا بهتانة بدون تغيير..
عرفت ليه ساكت وليه مالي الورق أوضتي؟
وليه اخترت إني أبقى وحيد؟..
علشان مابقاش لهم بس أسير..

خمس نزوات

لكل قلب حكاية
وأنا قلبي ليه حكايات..
إن حب واحدة الصبح يعشقها
ويحب من قلبه..
ويعدي طيف الثانية من جنبه
فيحن تاني
ويمشي ليها بعيد..
ويقابل الثالثة فيلاق نفسه سعيد..
فيحن للرابعة
ولفرحة البدايات..
وتغني له الخامسة
وتوصل السلامة..
خمس نزوات..
الأولى
أوصف جمالها منين؟

أضر بنات الأرض إشراقًا

عينها والحسنة على الخدين..

بعد ما أشوفها بغمّض

ومش عاوز أشوف بشر تانيين

أوصف جمالها منين؟!..

أجمل مخلوقات الله

الصمت في وجودها حياه

ودليل لابتعاد الغي..

دي النظرة في عيونها بتمنع عني قولة أي!..

كأني في ضلمة

وعنيها دي من ملجأ ضي..

التانية

بنت سكر خام..

عاشت عمرها تحلم بحد يحبّها

وتشوف منه اهتمام..

بنت بريئة بطبعها بتوه وسط الكلام..

حتى حزينه في فرحها

ويتكره كلمه سلام..

بنت تعبت من الألام

بنت سكر خام..

الثالثة

بنت حلوة بجد..

جميله ماتشبه حد

بسيطه كده وعلى القد..

بتمشي فيتعب قلبي

كأنه كان جبل واتهد..

وتوحشني كأني في بعدها

سائل وهي الرد..

كأني فيضان

ورافض وجود السد..

بنت حلوة بجد..

الرابعة

وجودها كحضن الأم

جميلة وخفيفة الدم..

عليها ضحكة زي السم

وجودها ينسي الهم

جميلة في طيبة الخال وسند العم..

تخاف على زعل غيرها

أضر بنات الأرض إشراقًا

تداوي الجراح وتضم

وجودها كحضن الأم..

الخامسة

خيال سارح في كل مكان

وهي في الخيال عايشة..

معزوفة كمانجا قديمة

أماكن فاضية في السیما

هدوم غالية وذات قيمة..

عيشة في الصحرا في كوخ أو خيمة..

تغني وصوتها يسعدني

وهي من الدموع بايشة..

خيال سارح في كل مكان

وهي في الخيال عايشة..

زيّ الهواء

حد قالي هناك دقائق
لحظتين وهاكون معاك..
استرّجّ من الطريق مش هاغيب
راح ماجاش..
كنت لازم أشوفها تاني
كنت عايز مانسهاش..
كنت فين فهمني يعني؟
كنت في شغلها بسأل عليها..
أيوه يعني عترت فيها؟
لأ برضه..
معلومات الناس مش كفيلة أوصلها
بنت واحدة قالتلي سافرت
لما تيجي هاقولها..
طب سألت جيرانها يا ابني

أضر بنات الأرض إشراقًا

ولا بواب العمارة؟..
كله قال ماشوفنهاش من أسبوعين
مخى واقف هي فين؟..
تفتكر مابقيتش عايزة تكون معايا؟!
بس حتى إن كان حقيقي
تبقى دي شكل النهاية؟!
على الأقل تقولي هامشي
بالكتير هابكيها ساعة!..
يا ابني جايز برضه خافت
الفراق محتاج شجاعة..
الطريقة السهلة تهرب دون مواجهة
وأنت عبء زيادة واقف
ضد رغبات احتياجها..
ابتسم وانساها خالص
مش نصيبك والحياة هتمر سيبك
كل حاجة بتيجي سهلة
بتمشي أسرع من الثواني..
بس هي المستحيلة
صعب ألاقي زيها تاني

أضر بنات الأرض إشراقًا

كانت زي الهواء

تفتكر هنساها عادي؟

تفتكر هحتاج دواء؟..

كل اللي شبيهي

النّصّ ده

للناس اللي جاين للحياة زاهدين..

و لكل شخص مُعين

لكل البشر حواليه

من غير سؤال ليه..

بدون أسئلة و فضول

للرايق المبسوط على طول..

لمشجعين نادي الزمالك..

واللي يحب لعب الدراويش

و ماشي مش هامه تفتيش..

و اللي ريحة بوقه حشيش..

و يخاف يخش البيت

اللي عايشها طول وعرض

و يمشي تنهز الأرض

أُضِرُّ بِنَاتِ الْأَرْضِ إِشْرَاقًا

لا عمره يوم ملّ

ولا الحياة تقدر عليه..

عمرها ما قدرت تهدّه

أصله أصيل طالع لجده..

الراجل الطيب البسيط

اللي فاهم الدنيا

وعامل عبيط..

النص ده

للهربانيين من الدخول في علاقات

و عنده فوبيا الارتباط..

و عايش زيّ تمام

و لا عمره حبّ الاهتمام..

ولا يدخل في علاقه حب

لفاقد الشغف

و يدعي يقول يارب..

للسهرانيين لنص الليل من غير وجود حبيب

و عايش من غير تأنيب..

حباب وجوده بسيط

مبسوط لكنه وحيد.

ياريت

ياريت

لو يوم أشوفك بس
بدون ما قلبي ده يتهز..
و بجد المرة دي
مش هخاف أجيلك..
ولا هخاف أحكيلك
ياريت لو قلبك يحس
بقيمة الحاجة أما تجيلك..
رغم بُعدك كل ده
أنا لسه بديكي تقديرك..
رغم قولك عني كلام مش موجود
و إني أمشي في الشارع
أقابل حد من أصحابك
يقولوا ده بيع وعود..
أنا؟!..

أضر بنات الأرض إشراقًا

كهذا الطّفل من يوم ما شافك تاه
مش ياما قولتلك ضحكك دي حياه؟..
سيبك من كل ده أنا قلبي سامحك ورماني
نرجع نتشارك أغاني..
نرجع نتخيل أمانني
بيت كبير و أسرة
و عربية موديل السنة
رغم كوننا ما بنعرفش نسوق..
نرجع من ثاني عشان بالوقت حالتنا دي بتسوء..
أنا في بعدك تايه
فقرّرت أجيب اللاب..
أشوف أي صورة ليك
يمكن أنسى أي غياب..
لاقيت شاشة سودة و شارع سد
ولا ينفع أتساعد
و لا اللي فيّ حاسه حد..
و أجري من موقع للتاني
من يوم ما سيبتك يا شيخة
و أنا قلبي تمليّ وحداني..

أضر بنات الأرض إشراقًا

مسكت موبايلى دورت فى آخر شات

هتسيبني؟!

خلاص مش قادر..

واللى بينا؟!

قُلتك خلاص انسيه!

مهما كنت هحب فيكى

بكفاية أوي اللي عملتيه..

و تاخدني إيدي لفوق شوية

و التاريخ يتأخر تحت..

أوعديني ماتسبنيش

قولت مش هسيبك.. خلاص ارتحت؟!

ولو فى يوم اتخلوا عني انتي اقعدى ماتمشيش..

ماكنتش أعرف بس ساعتها

إنها اللي هتقول ماتفوتنيش..

أنا لسه فاكر اليوم ده

كان العالم ضلمة و نسمة هوا بتطير فى الجو

فماذا لو

سيبت عقلك بدل قلبك يقرّر؟..

كان ممكن كل ده يتغير

أضر بنات الأرض إشراقًا

و تبطل تشمر ريحتها كل يوم في الجو..

هتبطل تشوف طيفها وأنت بتكلم

واحدة كأنها العوا!..

فماذا لو

أنا و انتي كمّلنا الوقت مفزّقناش؟

بدل ما قلبي في كل مرة يشوفك

يدوس عليه ١٠٠ قطر قشاش..

أنا وانتي اخترنا المبدأ

و خلاص وافقنا عليه

قوليلي صحيح بتفكري فيّ

ولا عقلك شاغله إيه؟!..

عسكري جيش

عسكري في الجيش يعيط
على حبيبته يوم وفاتها..
هي عايشة جوه قلبه
بس بعدت عن حياتها..
كان لها ذكرى في قلبه
بس غابت ليه يارب؟!..
يدعي إنه مكانش ذنبه
لما جه البعد صبّ..
يفتكر كل كلامها
لما شاف الحزن فاق..
كل حاجه عيشنا فيها
حتى لحظة الفراق..
عسكري كان يوم ماجالها
أهلها رفضوه بشدة..

أضر بنات الأرض إشراقًا

كل حاجة شافها سودة
حتى ألوان الجاكتة..
كان حالف يموت عشانها
وهي حضناه بين نَفَسها..
دموعه جفت من عيونه
بعد ما الطابط حبسها..
منعه ينزل يوم وفاتها
لجل النظرة الأخيرة..
هو حب يخدم بلاده
بس جوه عيونه حيرة..
هى ماتت ليه ماشوفهاش
حتى للمرة الأخيرة؟!..

جواز وطلاق

أنا لما اتجوّز
أنا لما اتجوز راح أأتخ
وهسيبك تمسحي في البيت..
وهقولك خدي هنا عايزك
تقوليلي أوامر سيد البيت..
هقععدك من الصبح وفاضي
ومرّاتي وعادي وأنا راضي
هعملك زار وهكون عفريت
يتنطط على حبل غسيلك..
وهقول لك يلا أغني لك
تسمعي وتقولي آه يا ليل..
وأحكيلك وأفضل أحكيلك
إن أنا بعشق فيكي التفاصيل
وهسيبك ترّاحي شوية
وهاخصّك من نصّ الليل..

أضر بنات الأرض إشراقًا

وهقولك أنا عايز أشرب
طب ممكن بوسة يا جميل؟!..
نتخانق دايماً على الفسحة
وتقولي حبيبي ما تعزمني؟
أنا نفسي في مطعم على النيل..
وهقولك نامي يا وليّة
دي هلاوس جاية في آخر الليل!..
هنقضي السهرة عند أمك
وأخوك يوريني الويل..
ما تشيلني يا عمو
ما توطيّي يا عمو أنت طويل؟!..
وأبوك يغلّس كالعادة
ويقولي مفيش علبة زيادة
ما تولّع يا ابني وتديني؟!..
دخانك قافل على عيني
وأقوله خلاص خدها يا عمي
وأفضل وأنا قاعد متغمّي..
وأسب وأشتم أوي فيهم
وحماتي بتقول لي منور..

أضر بنات الأرض إشراقًا

وأنا وش كسوف كده بانِّدور
يا حبيبة قلبي يا حماتي
دى مجاتش من البنات مرايتي!..
وأنا قاعد مستنيَّ السفره
وجعان والحالة بقت كافرة
يا جماعة ما تجيبوا الشاي؟!..
بتقولي اصبر الأكل أهو جاي؟
وأستنى وأقعد أستنى
ولا حدِّ معبَّر أحوالنا..
الليله خميس يا اخوانًا!!
دي أجازه وفي الأسبوع مرّة
أنا ماشي هتعثّى أنا بره!..
خليك معاهم يا حياتي
والصبح بسرعة تكوني حاضرة..
إيه؟
بتقولي تعبانه مش قادرة؟!..
طب بنتك طالق يا حماتي
وأنا هرجع تاني أكون عازب..
وهاعيش على راحتى ومزاجي!..

أُمِّي

لو جيت أوصفها هاوصف إيه؟
مفيش وصف محدد ممكن أتكلم عليه..
هتكلم عن خوفها؟
هتكلم عن ضحكتها لينا حتى في أصعب ظروفها؟..
بتطيب الدنيا في عيني
لو بلمسة من كفوفها..
حضانها لينا بمثابة الوطن
هو مكان السكن وقت المِخَن..
هتكلم عن الدفا والحنان
هتكلم عن مكان الأمان..
معاك من قبل الولادة
شيء غير قابل للتكرار
شيء غير قابل للإعادة..
حب الدنيا والله ما يكفيها
بتطيب الدنيا في عيني

أضر بنات الأرض إشراقًا

ولو بلمسة من إيديها..

هتكلم عن جمائلها

اللي مغرّقاني..

اللي علشان تتردلها

محتاجة لعمر ثاني..

من أول نظرة بتشوف الحزن في عينك

لو زعلان هي اللي

هتقول مالك..

لو كل الكون سابك

هي اللي هتبقى لك..

وقت تعبك هي جمبك

هي جيشك وقت حربك..

هي فرحك وقت كربك

هي نور بينورك دربك..

أمي بتسابق خطواتي بالدعوات

حبها أشبه بحب المعجزات..

الحب لو هيبقى شخص

هيبقى أومي..

هي اللي عمرها ما بتقسا

أضر بنات الأرض إشراقًا

هي اللي دايماً فكراك
وعمرها ما بتنسى..
النظرة في عينها بالدنيا وما فيها

فيارب احفظها لينا..
ويارب خليها..

وأخيراً

الأم هي الدائمة
الأم هي الباقية
والباقي ماشيين

أُسْمَاءُ الْقَصَائِدِ:

١/ آخر بنات الأرض إشرافًا

٢/ القاهرة

٣/ عمّ الشتا

٤/ محدش فاهمني

٥/ عمي الكبير

٦/ شخص بسيط

٧/ مابتحبكش

٨/ اختار صح

٩/ الفلاتتاين

١٠/ رسالة مابتوصلش

١١/ تحياتي

١٢/ وحشتيني

١٣/ كلام لصديق

١٤/ صدفة حب

١٥/ زي الغريق

١٦/ بسأل عليك

- ١٧ / فراق محتوم
١٨ / يُحكى أنّ
١٩ / باحكيها
٢٠ / ست البنات
٢١ / حدوتة قديمة
٢٢ / أهل التاريخ
٢٣ / مجرد أخ
٢٤ / فضفضة نص الليل
٢٥ / خمس نزوات
٢٦ / زي الهواء
٢٧ / كل اللي شبيهي
٢٨ / يا ريت
٢٩ / عسكري جيش
٣٠ / جواز وطلاق
٣١ / أمّي

أضر بنات الأرض إشراقًا



شارك سطورك مع العالم

01122380443